

瑤

華

集

瑤華集卷三

柳含煙

一首

杏園春

一首

好事近

十首

謁金門

六首

更漏子

三首

憶秦娥

九首

一絡索

三首

相思引

三首

憶少年

五首

誤佳期

一首

清平樂

十八首

隴頭月

一首

阮郎歸

五首

睂峰碧

一首

玉連環

三首

回堂春

二首

朝中措

二首

慶春時

一首

三字令 二首

眼兒嬌 三首

人月圓 二首

秋蕊香 一首

山花子 二十二首

番女八拍 一首

武陵春 二首

桃源憶故人 六首

河瀆神 七首

柳梢青 十六首

賀聖朝 一首

陽臺夢 一首

一絡索 第二體
一首

漁歌子 三首

鳳來朝 一首

少年遊 第一體
七首

西江月 十六首

偷聲木蘭花 三首

燕歸梁 一首

荷葉盃 一首

四和香 一首

柳含煙

咏柳

吳綺

江南路柳絲垂多少。齊梁舊事。玉蛾金繭。只霏微。挂斜暉。眼眼睂睂都是恨。人去靈和莫問。誰堪眠起對紅閨。晚風吹。

杏園春

本意

金是瀛

春寒料峭晴餘。嫣紅似密。還疎開時。絕勝曲江隅。在皇都。佳人挿髻。窺朝鏡。韶容掩映何如。清明纔過。燕來。

初賣錫無

好事近

偶感

曹爾堪

斯世少英雄。應笑成名豎子。衰草夕陽。彌望弔金元遺壘。霜橋孤月。照空囊。枯樹亂鴉起。旅館蕪菁低照。讀數行殘史。

宿秦餘絕頂

黃承聖

攜手入層雲。半偈畱題蒼壁。拄杖下臨。無地有寒巖雪積。山僧絕粒。一團瓢。倦羽暫休息。夜半東山豁處。見滄波養日。

送沈方鄴游羅浮

陸進

祖帳爲君開點點。柳花飛雪欲折小枝相贈。挂河梁新月。鬪袍公子去羅浮。歌管暮鳴咽。桂酒莫教頻醉恐。珊瑚敲折。

秦淮燈船

李良年

相對捲珠簾。中有画橈來路。花燼玉蟲零亂。串小橋紅縷。橫簫絡鼓夜紛紛。聲咽晚潮去。五十五船舊事聽白頭人語。

巡海過飛雲渡

陸舜

橫海下戈船。信宿珠崖消息。試向玉環山外。撥一絲風。

色。桃花春汎。島門寒寂寞。老龍國。閒倚射潮犀。驚聽
柁樓吹笛。

沂水道中

龔翔麟

極目總悲秋。衰草似黏天末。多少無情煙樹。送終年行
客。亂山高下沒斜陽。夜景更清絕。幾點寒鴉。風裏趁
一梳涼月。

漁父

李符

萬葉墮寒村。日極水平天遠。猷坐船頭相對。欠青山在
眼。瓶山草沒。甌山低行到半山半。恰被梅花畱住。一
篷兒香片。

閨情

萬錦雯

忍淚送君時。江上青山斜矗。別酒一杯還暖。恨風帆催
促。無情画舸疾於飛。一水漸拖綠。欲上小樓凝望。又
垂楊遮目。

聞笛

沙張白

喚起百千愁。樓外數聲長笛。一闕關山古調。落三更殘
月。參橫猶自不成眠。餘響聽鳴咽。片片梅花飛絮點。
鬢毛成雪。

入大滌山

羽士 余一淳

一片石玲瓏。身入洞天幾曲。點起明明蘆火。見如鴉鵲。

蠅 琴牀丹竈跡依然雲冷不堪宿待覓素書歸去倩
嵇康解讀。

謁金門

紅葉

李 雯

青楓浦染出空江天暮隔岸胭脂新雨渡小樓腸斷處
疊疊亂紅堆路又被西風吹去翠袖拾來看幾度欲
題無一語

五月雨

陳子龍

鶯啼處搖蕩一天涼雨極目平蕪人盡去斷虹明碧樹
費盡爐煙無數只有輕寒難度忽見西樓花影露弄

晴催薄暮。

村居

王屋

昏復曉不覺又春分了。蘋末雨腥溪霧掃。葉舟黏瀨小。
濁酒一杯傾倒得趣。何論多少。林靜喜無生客到。快
眠常過卯。

聽百舌鳥

吳滌

聲聲喚道是綠窗風暖。底事曉晴簾不捲。可知香夢短。
生巧如簧低緩。嗔我愁眠孤館。春去子規啼又斷。惜
春春不轉。

寄兄漢槎

閨秀

吳文柔

情惻惻誰遣雁行南北慘淡雲迷關塞黑那知春草色
細雨花迷綉陌又是去年寒食啼斷子規無氣力欲
歸歸未得

秋閨

閨秀 葉小鸞

情脉脉簾捲西風爭入漫倚危樓窺遠色晚山畱落日
芳樹重重凝碧影浸澄波欲溼人向暮煙深處憶繡
裙愁獨立

更漏子

無題

蔣平階

金錯刀銀蠟炬春夢半迷歸路彈別鶴怨南鴻琵琶憶

漢宮 白團扇遮秋面。憔悴不堪重見。青塚月。雁門霜。
相思欲斷腸。

又

落星灘。帝猿樹。今夜思君何處。江月暗。柳煙濃。春山隔。
幾重。千里夢孤舟。送花落。枕函誰共移。翠麝約金環。
漏聲催曉寒。

又

菊花潭。楊柳岸。鄉思暗隨征雁。欹玉枕。解羅襦。更闌聞。
鷓鴣。三五月。白如雪。猶照長安宮闕。花半落。燕飛高。
東風恨未消。

憶秦娥

楊花

陳子龍

春漠漠。香雲吹斷紅文幕。紅文幕。一簾殘夢。任他飄泊。
輕狂無奈東風惡。蜂黃蝶粉同零落。同零落。滿池萍
水。夕陽樓閣。

坐黃鶴樓

曹溶

江千尺。晚來風景秋蕭瑟。秋蕭瑟。斜陽檻外。數行金戟。
杯乾重把闌干拍。楚宮垂柳憐孤客。憐孤客。飛仙安
在。喚他吹笛。

江南懷古

方以智

花如雪。東風夜掃蘇堤月。蘇堤月。香銷南國。幾回圓缺。
錢塘江上潮聲歇。江邊楊柳誰攀折。誰攀折。西陵渡。
口古今離別。

楊花

宋徵輿

黃金陌。茫茫十里春雲白。春雲白。迷離滿眼。江南江北。
來時無奈珠簾隔。去時着盡東風力。東風力。留他如
夢。送他如客。

蜀宮故址

魏學渠

東風咽。摩訶殿閣紅明滅。紅明滅。參差苑柳。杜鵑啼血。
棠梨開徧愁時節。杏梁舊燕逢人說。逢人說。滿身花

雨漢家宮闕

戰場

馮雲驤

斜陽裏浮雲慘淡天如水。天如水。戰場懷古荒墩殘壘。
西風剪剪紅旗苑。秋林落葉驚鴉起。驚鴉起。不堪極
目平沙千里。

杜鵬

計南陽

春魂血。柳條吹得東風咽。東風咽。河陽置酒秦淮送別。
黃昏細雨清明節。六朝金粉三江月。三江月。不如歸
去舊家宮闕。

吹笙

朱彝尊

涼煙翠。銀河澌澌光垂地。光垂地。小樓一曲月華如水。
排成鳳翅聲初遞。聽殘鵝管君須記。君須記。風簾卷
處那人雙髻。

秋景

閨秀
葉小鸞

湘簾揭。梧桐落向銀牀咽。銀牀咽。半庭斜日數堆黃葉。
綉屏一縷消香怯。花間又見飛蝴蝶。飛蝴蝶。惟他輕
薄搗衣時節。

一絡索

聽三絃

曹溶

撚出玲瓏珠串。邊雲初斷。分明不是紫檀槽。是裊裊垂

楊線。老去閑愁一片。曲中曾見。煩將密約寄佳人。早
招得春風怨。

重九後雨

史惟圓

日晚津亭鳴鼓。雁驚南浦。霜螯在手。酒盈尊。休更問沙
場苦。青史幾番今古。繪成愁譜。兩條樺燭。四條絃。怎
消得廉纖雨。

客夜

釋宏倫

蟲語莎根聲碎。早涼生袂。梅花玉笛隔西鄰。門未掩燈
兒背。不信愁深如海。暗彈清淚。疎鐘打得月西斜。這
一夜何曾睡。

相思引

元夕後二日夜雨卽事

陳維崧

綺陌將收五夜燈，後堂鎖到第三層。
畫簷殘燭細雨恐難勝。
歌板敲愁飛火鳳，枕函貯夢結紅冰。
覺來還記踏月六街曾。

有憶

汪森

憶昨沙黃隴麥昏，少年游冶逐雕輪。
遠山愁黛觸處黯銷魂。
記得東風曾繫馬，小橋流水近朱門。
晚來紅溼微雨杏花村。

金陵感舊

吳棠禎

珠殿金宮帝子家。春風腸斷石城鴉。蔣山明月曾照後
庭花。人去臨春歌舞歇。紅燈飛入內人斜。舊游何處
帆影一江沙。

憶少年

感舊

錢芳標

小屏殘燭小窗殘雨。小樓殘夢。銖衣已煙散。只蘅蕪香
重。錦瑟華年愁裏送。便淒涼也無人共。傷心白團扇
画秦娥簫鳳。

春閨

董元愷

春塵如雨春風如醉。春光如夢。春花獨對也。只春波微

動。剪破春陰春影弄。更春情落紅催送。萋萋春草碧。
恰補春愁空。

春情

王 暉

春山淡沲春陰靨。鍵春風婀娜。楊花亂吹入。正倚牀閒
坐。檢點琴書無一可。撥金爐尙留餘火。鸚哥向人說。
惟將他籠鎖。

秋日登保安寺佛閣

梁溪

陳維崧

半村紅蓼半村烏。相半村黃葉。寺樓偏作勢欲斜穿山
脅。檻外霜楓眠正貼。被西風陡添鱗鬣。閣中僧夜語。
有猿吟相接。

無題

朱彝尊

飛花時節垂楊巷。陌東風庭院。重簾尙如昔。但窺簾人
遠。葉底歌鶯梁上燕。一聲聲伴人幽怨。相思了無益。
悔當初相見。

誤佳期

訪某校書不值

王昶

路隔桃源難認。知道画樓遠近。東風吹散一叢花。蜂蝶
都無分。柳學細腰輕。山似長眉暈。粉雲香雨夢來時。
細細將伊問。

清平樂

春繡

陳子龍

繡簾花散難與東風算。拈起金針絲又亂。尙剩檀心一半。幾回黛蹙雙蛾斜。添紅縷微波。閒看燕泥欲墮。柳綿吹滿輕羅。

新柳

陳世祥

十三嬌女約畧腰如許。盡日臨風搖弱縷。無力向人前舞。小橋正枕橫塘。高樓都在斜陽。寄語東風且慢莫教輕換鵝黃。

輦上故人有爲予勸駕者

宋琬

鼠肝蟲臂總是君王賜。一曲狂歌千日醉。管領鷗班鷺

隊。故人天上吹噓。勸予重整簪裾。只恐中山毛穎於
今老不中書。

太湖

吳綺

亂山青接。黏住吳和越。萬頃琉璃秋映徹。做作蘋風柳
月。煙波誰是吾徒。西風吹出鱸魚。斜日盪將艇子。醉
教桃葉相扶。

清歌

毛先舒

清歌妙舞。一坐都無語。別有春風能作主。夜夜當頭月
午。蘭堂春酒如淮。珍珠雜遝弓鞋。著地琅然一響。阿
誰遺落金釵。

羅帶

沈謙

香羅曾寄。小鳳盤雲膩。要識春來腰更細。刺得許多垂地。玉鈎移孔難尋。有時撚着沉吟。踪跡可知無定兩頭都結同心。

春閨

雪消冰溢。岸柳金芽出。漠漠暗塵縈寶瑟。坐轉一窗紅日。博山香裊煙絲。閒愁閒悶誰知。欲解羅衣去睡。黃鶯又上花枝。

春游贈伎

兩峰斜蹙。更着春煙綠。淡日烘雲新雨足。紅得桃花如

肉。醉看蟬髻欹斜。聽歌再立堤沙。懶上銀鞍叱撥。願
爲金屑琵琶。

秋閨

吳棠禎

秋來風雨。生在梧桐樹。明日天晴纔可去。今夜郎君少
住。南湖蘭棹初還。深閨花冷人閑。若看城頭山色。何
如鏡裏睂彎。

晚湖有感

沈豐垣

暮雲千葉點點寒鴉接。猶是鳳凰山下月。不照宋家陵
闕。管絃爛醉吳娃。行人爲道繁華。誰關閑堂蟋蟀獨
尋孤嶼梅花。

夜感

俞士彪

鼠窺窗側守著燈兒黑。雨橫風狂眠不得。但覺雙眸枯澁。春深猶滯天涯。題書又報歸期。坐久夜鴻過盡錦箋。搓作團兒。

秋思

成德

涼雲萬葉斷送清秋節。寂寂繡屏香篆滅。暗裏朱顏銷歇。誰憐照影吹笙。天涯芳草開情。懊惱隔簾幽夢半牀花月縱橫。

索琴

任繩隗

非桑非濮絃斷君須續。漫譜當年橫吹曲。惱聽商陵黃

鵲。舊名子夜烏啼。新翻雄雉朝飛。待倩蔡家焦尾。織
纖彈上君衣。

思客

吳儀一

画屏煙霧。彷彿咸陽路。渭水無聲流月去。照見漢家陵
樹。蕭條孤客情懷。酒酣獨上荒臺。五月楊花如雪滿
城。羌笛吹來。

送沈融谷再游南雄

朱彝尊

京華懶住。又向雄州去。匹馬遙尋桃葉渡。穩送輕帆柔
櫓。朔雲南雪冬春。雁書欲寄誰因。共惜行人路遠。不
知身是行人。

齊河客舍

阿儂憊矣。際曉還慵起。今日郵籤翻百二。猶是未晴天。
氣。茅檐土銼人家。酸風苦雨天涯。回憶故園梅蕊。不
知多少飛花。

秋曉和海間香詞

潘宗洛

羅幃涼到。窗外聞雞早。殘月半規窺枕照。有夢也應草
草。分明帳繡芙蓉。獨眠人起誰同。試約生香衣扣。又
添一夜金風。

憶外

閨秀
張 縈

重門深處聽盡黃梅雨。千徧懷人慵不語。魂斷臨岐別

路。一天離恨分開同。攜一半歸來。日暮孤舟江上。夜
深燈火樓臺。

隴頭月

傷逝

吳綺

西風過處。憔悴了白楊無數。斷草黏雲。殘花泣月。故人
黃土。記得雷塘東去。曾見南朝官樹。萍入歌船。螢飛
舞榭。愴然今古。

阮郎歸

秋思

曹溶

絲絲細雨作輕寒。吹愁上遠山。柳枝空似白家蠻。無人

倚曲闌。秋半也。鎖窗閑。花前歸去難。晝長羅幌睡闌珊。流光兩地看。

長安早春詞

蔣景祁

千門朝闕近。蒼穹風和雪。正融上林枝。煖瑞煙籠寒花初破紅。歌宛轉。影朦朧。吹來春殿中。霓裳曲罷去。慙人。人間何處逢。

又

玉河初泮影溶溶。條風先九重。車如流水馬如龍。烘他春意濃。堤上柳未舒茸。金絲暗吐鋒。有人偷與画睂峰。嬌愁曉起慵。

又

飛泉百尺舞銀瀧。無人駕彩鸞。琵琶絃上，指聲麗，盈盈
燕語雙。彈不盡，是新腔。春愁難與降。漫將流恨比春
江。凝情遮繡窗。

又

天街微雨送春暉。芳塵溼不飛。閒園香霧小紅肥。月和
煙露晞。縈別館，上斜扉。輕風颺妓衣。七絃聲亂十三
徽。馬嘶人未歸。

看峰碧

春日

梁清標

溪院鞦韆罷。細雨梨花夜。曉起閒庭一片飛。忍又見山
桃謝。蛺蝶枝頭挂。苦憶前春話。門外東風鏡裏顏。背
人無語斜陽下。

玉連環

夏景

吳綺

梧桐密處清陰重。碧紗風弄。落花簾外舞輕紅。又補却
青苔空。雪藕初調仙洞。有誰堪共。日長縱得綉工夫
不彀了。愁和夢。

無題

曹封祖

春連繡閣衣香潤。半腔幽恨。玉環搖動寫愁心。隔竹時

聞清韻。簾外風傳花信。情深難盡。中宵徙倚。伴銀燈兩兩墜。釵橫髻。

晚眺

釋
原詰

高城薄暮。臨風望。紙鸞初放。一規殘照。萬山紅。野渡口。寒潮上。沙際輕鷗三兩。去來無恙。最關情處。板橋西。楊柳岸。青帘颺。

画堂春

雨中杏花

陳子龍

輕陰池館。水平橋。一番弄雨花梢。微寒着處。不勝嬌。此際魂消。憶昔青門堤外。粉香零亂。朝朝玉顏。寂寞淡。

紅飄無計春宵

春陰

宋徵輿

綠窗虛靜水沉飄。流鸚說盡花朝。樓頭柳色暗河橋。人在東郊。雲鬢只隨鴛枕，胭脂都上鮫綃。風吹春思入斜梢。滿鏡紅潮。

朝中措

龍潭驛懷舊

曹爾堪

驚濤吹歛老龍愁。暮雨且停驂。紅樹斜分，建業青山多在江南。遠檣排漢，亂帆擊汰，百尺空潭。一曲渭城歌罷，酒樓誰是何戡。

春暮

成德

蜀絃秦柱不關情。盡日掩雲屏。只惜輕翎退粉，更嫌飛絮爲萍。東風多事，餘寒吹散，烘煖微醒。看盡一簾紅雨，爲誰親繫花鈴。

慶春時

日長

董以寧

半窗閣綉幺絃罷，曲慢火餘香。玉人此際，粧成無事，才覺日初長。銀驄何處等閒嘶過，紅牆鶯簧吹轉，柳綿飛起儘日好思量。

三字令

寫懷

李 燾

愁倚戶。夕陽斜。憶天涯。春去也。在誰家。燕營巢。蜂釀蜜。
總堪嗟。人不到。見歸鴉。掩窗紗。開復落。刺梅花。酒漂
零。香冷淡。負年華。

惜春

閨秀
張學儀

鶯語喚曉粧。殘捲簾看。山芍藥。一枝丹。惜春繁。能幾日。
又闌珊。添遠恨。翠睂攢。淚珠彈。斜暗想。倚回欄。不如
他。雙燕子。兩相安。

眼兒嬌

春情

宋慶長

垂柳垂楊雨初晴。天氣近清明。飴簫吹徹，鞦韆斜挂，畫裏江城。玉人粧罷無心緒，嬌鳥隔窗鳴。殷勤看取花穠香細，畫末煙輕。

雨中新柳

吳綺

搓就鵝兒綠，還遲都未使鶯知。東風無賴，教他朝雨，一樣絲絲。和煙搭在闌干上，約畧早春時。斷人腸處，纔成睂眼，旋軟腰支。

歸意

釋宏倫

似水官衙夜無聊。燭炮水流消。故山秋老，天涯人去，明月今宵。來朝準趁吳娘棹，燈火過虹橋。松陵江口，佔

船相竝篷背吹簫

人月圓

弔古

陳季逸

吳宮蒲柳青如故。燕子話空梁。可惜江南無情花月。誰識滄桑。山河入眼。歌騷譜怨。銜恨君王。楊柳金輿。梨花玉輦。鈴語郎當。

寫懷

魯釗

畦蘭不礙栽花處。況是只栽花。老年貪靜。編籬插竹。就圃爲家。日高方起。書慵辟蠹。字學塗鴉。從來無淚。把青衫溼爛。醉生涯。

秋蘆香

爲曹子清題画

蔣景祁

碎把鵝黃剪與風。動一枝嬌嫋。天香縹緲。衣寒度夢。到
廣庭寒處。近來閒却吳剛斧。兔華吐空巖子落。知何
許。一夜前山如雨。

山花子

春愁

陳子龍

楊柳迷離曉霧中。杏花零落五更鐘。寂寂景陽宮外月
照殘紅。蝶化綵衣金縷盡。蟲銜圓粉玉樓空。惟有多
情雙燕子。舞東風。

閨情

吳偉業

阿母頻催上玉鉤。侍兒先起護香篝。曉氣撲簾花尙睡。
怯梳頭。靨暈有情斜岫遠。額黃無盡眼波流。細骨輕
軀春一把。許多愁。

閨詞

宋徵璧

細斂蛾眉幾許長。湘簾初放柳花香。閒搵紅綿彈粉淚。
說淒涼。玉勒玉人雙邂逅。金杯金釧百思量。除是嬌
羞低障面。弄珠璫。

春愁

宋徵輿

芳草花開蛺蝶飛。回堂春思上蛾眉。珠淚未乾長帶笑。

少人知。鸞鏡照空生翠影。湘裙摺損吐紅絲。長日東風吹不去。夢來時。

曉粧

趙進美

銀燭初消。寶鴨濃起來。珠裊褪酥胸。細數枕痕殘。夢遠剩輕紅。雙啓螭奩。交翠影。半欹蟬髻。卸金蟲。戶掩蝦鬚寒未減。杏花風。

初夏

李雯

乳燕初飛。冰簟涼。菖蒲葉滿小池塘。七尺蝦鬚簾未捲。杏衫黃。竹粉新黏。搖翡翠。荷香欲煖。睡鴛鴦。正是日長無氣力。倚銀牀。

寄程崑崙京口

王士禎

黃鶴山前黃鶴鳴。杜鵑樓外杜鵑聲。記得戴顓招隱地。
共經行。北固雲煙春望遠。南徐風雨暮潮生。一片澄
江如練影。接蕪城。

春愁

鄒祗謨

淡白春煙花信齊。黃蜂到處習花絲。自是淒涼渾不管。
總難支。小雨三更歸夢溼。輕煙十里去愁迷。幸得子
規還解事。未曾啼。

夏夜

周末年

薄醉依他殘睡醒。重攜枕簟向閒庭。何處唱歌聲漸遠。

有人聽。趁着螢光看絡緯。捲開蛛網放蜻蜓。不信畫
長元肯夜。候雙星。

春游

賀裳

白玉搔頭刻鳳皇。初笄嫌重貯紅箱。今歲綠雲朝滿鏡
恰相當。欲上秋千防髻滑。將行花底恐梢長。遙覓雙
鬢呼不應。付檀郎。

秋日過錢塘江

李振裕

一葉飄然自在行。層巒回首勢縱橫。恰值晚波勻似掌
好風輕。海氣遠浮天竺月。胥潮直抵富陽城。歷歷賓
鴻嘹唳處。岸沙平。

送翁孟白之秦中

蔣 鎬

執手河橋送別情。連牀蕭寺訂詩盟。屈指栢梁臺上客。
好經行。秋至漸丹楓葉滿。晴空初白露華生。後日探
風先寄我是秦聲。

秦郵道中

徐 鉞

千頃盂湖水接天。遠山一碧柳如煙。無數布帆如白鷺。
下晴川。淮海風流人不見。空餘綠鬢過流年。且買高
郵紅玉酒。好停船。

自慰

沈叔培

碧柳千條露未乾。金衣百轉晚風寒。還道後園花未落。

強心寬。孤枕祇餘魂縷縷。小衫誰見淚斑斑。舊日錦書能惹恨。莫重看。

春閨

計南陽

風捲流蘇午夢閒。一江春水浸青山。爲問王孫歸也未。損朱顏。杜宇風高啼不穩。梨花雨散月初殘。無那酒醒香寂寞。不成眠。

七夕贈女溫莢

梁佩蘭

小女聰明獨好奇。要同天女鬪天絲。捉得蜘蛛金盒裏。費思惟。丫角髻行參佛禮。生羅衣寫望仙詞。索我烏絲闌細字。贈溫莢。

湘妃廟

水闊瀟湘見二妃。江空露下少人知。一望渚煙迷到處。
暗靈旗。太息雅琴成絕調。竝彈瑤瑟寄相思。奈有九
峰遙對起至今疑。

雜神

一片精靈立水宮。似曾相見不曾通。惆悵桂旗和玉佩。
忽如逢。何處倏來儀彷彿。若爲將去影朦朧。莫惟停
車曹植在賦驚鴻。

春日

于天騏

閒看雙雙燕子飛。舊巢重整壘香泥。似恨春光留不住。

語聲低。驚醒朦朧窗下夢。行來尋過。回欄西。一陣晚香都墜也。滿前溪。

咏楊妃山茶

陳枋

一樹楊家連理枝。酒痕猶暈淡燕支。那得芙蓉能似臉。上皇思。雪褪羽衣迴舞處。露飄珠琲洗粧時。尙與樓東梅妬寵。肯開遲。

賦南唐事和李後主韻

丁滌

草綠江南蝶粉殘。玉簫聲斷彩雲間。寂寞梨花金殿鎖。共誰看。故國啼鴉催夢醒。他鄉乳燕說春寒。唯有汴河橋下水。到長干。

暮春

諸匡鼎

店舍煙消寒食時。碧桃枝上雨絲絲。垂却湘簾敲玉子。
任春歸。儂自盆中栽夜合。郎休腰下佩將離。窗外杜鵑
因甚事。又來啼。

番女八拍

本意

丁澎

黃榆風急海鶯啼。馬頻嘶。蓬婆城外千山雪。錦繖蠻靴。
夜打圍。梧桐樹下軋鳴機。念征衣。孤鴻一去無消息。
使盡西風喚不歸。

武陵春

紀遇

鄧漢儀

不是銷魂誰肯住。花裏會纏綿。流落天涯更幾年。替際
宛相憐。那用更歌金縷曲。小語當哀絃。綠酒紅燈雨
似煙。拚好不成眠。

宿歡喜亭

江闔

到此正愁山未盡。怎喜宿茅窩。落日平湖千頃波。遠岫
點青螺。藉地回看無北斗。浣手近天河。枕上猶聞採
藥歌。六月夜寒多。

桃源憶故人

南樓雨暮

陳子龍

小樓極望連平楚。簾捲一帆南浦。試問晚風吹去。狼籍春何處。相思此路無重數。畢竟天涯幾許。莫聽嬌鶯私語。怨盡梨花雨。

懷舊

宋徵輿

碧湖飄蕩紅絲藕。秋斷不堪回首。忽憶橋西巷口。簾捲人垂手。如今風景雖依舊。明月天河北斗。換却滿堤楊柳。夢落青青後。

咏画舫

汪鶴孫

佳人爲愛名兒好。緊把雕籠盛了。未慣弄聲低悄。綠樹輕陰繞。黃鸝莫共伊爭巧。羽似素蛾輕掃。莫是有情

京兆再世畱殘稿

別愁

董俞

玉驄肯住人難住。漠漠征塵何處。只有芳魂似絮飛雨。
陽關路。綠蕉影裏雙鬟語。夢斷風流無據。屈指鳳城
人去。幾度紗窗雨。

春愁

龔百藥

紅桃雨散東風起。濯濯青條如水。天別放春何地。只在
鶯花裏。花朝撲蝶誰家會。點點飛花輕墜。自有舊愁
牽繫。不爲新憔悴。

題閨人画扇

蔣景祁

小橋流水天台去。纔過柳梢晴雨。翠羽立花啼露。早是
催歸暮。輕紈細箴誰圖與。織罷繡餘情緒。料得恨成
君語。暗蹙春山嫵。

河瀆神

本意

錢芳標

門閉藕花中。水煙一望濛濛。什碑苔澀隱秋蟲。壞旗猶
颭靈風。廟前繫艇誰家女。晚沙重。酹椒醕。歌罷竹枝
無語。神鴉千點飛去。

又

春浪噉鷗沙。楓人蘸影欹斜。小姑初去蔣侯家。淒涼画

壁龍蛇。無端夜半風雷疾。隔江村店如墨。愁絕短篷
行客。夢回鄉淚沾臆。

前題

史惟圓

照水月娟娟。小姑粧鏡初懸。碧桃花發翠簾前。殘香猶
裊斜煙。露溼旌竿鈴帶重。隔雲神女相送。繡袂天風
吹動。凌波歸去如夢。

又

月冷小姑遊。聞郎江上清謳。自將裙帶繫箴篋。繁霜一
曲驚秋。同在青溪橋畔住。郎自不知儂處。落葉群鳥
飛去。夜深貪共郎語。

臨津古城隍廟下作

陳維崧

石竹響颼颼。一行斷隴荒丘。無人野渡水爭流。土城蔓草含愁。古廟陰森涼氣瀉。楓葉映來都赭。門外寒濤暗打。錯疑簫鼓村社。

無題

顧貞觀

密約水神祠。瓣香心事誰知。繡旂同上小名兒。一雙親系干支。蕭蕭暮雨芙蓉黑。越江猶認行迹。潮沒蘼碑三尺。怨魂應始銷得。

西溪浣紗女廟

陳維崧

古廟碧溪頭。斷碑長臥林丘。門前老樹縛吳牛。蘆灣幾

箇漁舟。縹緲靈旗天半去。蓬山杳杳珠樹深。夜雲駢
歸處。添燈零亂如雨。

柳梢青

春望

陳子龍

繡嶺平川。漢家故壘。一抹蒼煙。陌上香塵。樓前紅燭。依
舊金鈿。十年夢斷。嬋娟迴首。處離愁萬千。綠柳新蒲。
昏鴉春雁。芳草連天。

前題

宋徵輿

楊柳梢青。東郊十里。歌盡流鶯。碧玉樓頭。綠紗窗裏。春
睡初醒。天涯自有人行。目斷處。長亭短亭。記得當時

香車寶馬寒食清明。

春思

曹爾堪

垂柳風斜。隔牆黃蝶吹入人家。客散旗亭。燕離芳榭。多似楊花。頻將淺碧籠紗。須好護幽蘭吐芽。問酒情深。尋花病懶。淚上琵琶。

秋感

馮雲驤

落葉殘霞。昔時宮殿風捲棲鴉。壞道哀湍。美人黃土。簌簌驚沙。崩崖老樹槎牙。月慘淡金鳬玉蟬。弔古登高。悲歌倚劍。彈落霜華。

趙武靈王墓

石路寒花趙王古墓樹老雲斜。恠鳥吟風短狐嘯月電
走金蛇。塞垣一望無涯。野店響樵歌。暮笳試問當年
英雄伯業折戟沉沙。

寄怨

丁 澎

紅杏依然小樓空倚目。斷晴川。不採蘼蕪。打開鸚鵡有
恨休傳。惱人偏是雲箋。更說甚燈前枕邊。不信他家
濃香豔粉。若個堪憐。

咏螢

顧同應

明月窗紗夜涼如許。偷度西家。簾外星移屋梁。月墮逗
得些些。玉階悄憶年華。曾照個襟橫髻斜。長信宮閒

摩訶池冷光黯秋花。

春望

錢穀

倚閣臨軒東風吹徹麥秀連天。金爵臺高銅駝門冷殘
照依然。尋思此日當年歌舞處朱樓画船黃鳥啼晴。
海棠着雨無限畱連。

咏柳寄伎

沈謙

野驛春餘荒城傍晚對語寒鳥。纔見搖金又驚飛雪幾
日蕭疎。爲伊目斷長途正雨後斜陽翠蕪。省小常顰
眼重未醒腰細難扶。

柳

吳棠楨

舞雪飛煙。漢家苑內。隋帝宮前。無限風流王恭。此日張
緒當年。誰憐三起三眠。曾送去江南。小船鶯宿春風。
蟬鳴夏雨。鴉度秋天。

田家

諸匡鼎

何必桃源。幾家臨水。幾樹含煙。時近清和。魚遊蓮葉。雞
叫桑顛。竹橋臥聽潺湲。提壺到花邊。柳邊男踏車回。
女縑絲罷。同上漁船。

柳

計善

画閣平橋。東風蕩漾。綠漲紅消。露拂章臺。風高漢塞。月
曳隋橈。離亭猶記勞勞。繫馬處。愁攀翠條。昨暮遷鶯。

今朝掠燕明日吟蛩。

早春

宋 犖

何事淹留朝來春色又滿皇州綺陌燒燈鳳城挑菜吹
面風柔。招尋漫逐鳴騶回首處傷心舊游燕子穿簾
杏花倚檻小小紅樓。

懷友人白下

李良年

春事閒撥日斜風細葉葉輕帆燕子來時梅花落盡人
在江南。晚來何處停驂攜手地王孫舊諳白下殘鐘
青溪遠笛今夜難堪。

閨情

陳維岱

底事銷魂爲逢秋社燕子拋人十二迴闌時時閒倚劃
遍釵痕倦來枕壓香雲忘卸却犀簪辟塵一夢初回
幾番愁見孤燭黃昏

自題靜香樓

吳 潔

月射西窗曾從謝眺許我清狂墻角梅花牀頭玉笛都
不尋常豁然長嘯何妨一望去煙雲渺茫白雪胸襟
黃金意氣做了荒唐

賀聖朝

咏落花

史惟圓

香紅粉白偎儂任被流鶯催去燈前簾幙枕前魂夢簷

前風雨。拋人去也。曉來庭院有漫天飛絮。窈娘堤畔。
薛濤墳裏都無尋處。

陽臺夢

春曉

吳綺

綠鬟風動煙絲裊。碧紗如霧窗開早。楊花驀地撲人來。
舞東風不了。傷心無限事。漸覺蛾眉翠少。十分消瘦。
百分慵。只鏡中人曉。

一絡索

第二體

送別

河東武意兒
女伎

黃河九曲儂心似。怕相逢便去。河流也欲送君行。謝曲

曲多情水。春草馬嘶何處。見綠楊愁緒。龍樓此去看
花時。還記得河東否。

漁歌子

本意

史惟圓

急風吹驚浪起。扁舟穩住煙波裏。酒初甜。魚正美。幾度
斜陽逝水。好西湖應無比。藕花菱蔓牽船尾。婦莫愁。
兒莫喜。臥看暮山凝紫。

又

凍雲凝飛霰下。披蓑江上收綸罷。灑篷窗。迷草舍。人語
炊煙初夜。望寒林都似畫。一枝瘦竹偏宜寫。醉欹眠。

相枕籍又送塞鴻歸也。

本意

吳 灏

映斜陽浮小艇。冷煙濃樹波千頃。蓼花酣蘆花暝。斫鱸持螯相等。綠簑披青笠頂。一般寫出清秋興。笛悠悠星耿耿。天半流螢冥冥。

鳳來朝

湖頭春曉

毛先舒

恰恰流鶯語。警紅樓夢殘嬌女。正輕煙薄霧籠花住。疑太早。又疑雨。懶回鏡中睂嫵。覺愁來覓愁無處。黯黯飛將去。在曉樹冥濛許。

少年遊

第一體

本意

史鑑宗

玉驄金勒紫絲鞭。踏碎落花天。大道高樓、画橋深巷，多
少買春錢。香車經過朱門處，擲果有人憐。二十年來
京華如夢，白髮已三千。

春愁

梁清標

啼鶯恰恰到窗紗。幾縷曉煙斜。此日春城、漢宮傳蠟，散
入五侯家。三分春色愁中度，一半在梨花。腸斷黃昏
酒醒殘月，門外卽天涯。

別金陵女郎

盧元昌

金樽昨夜短燈前。相對影田田。驀地秋風，催人腸斷，逼上別離天。
勞勞亭北，整歸鞭。回首恨綿綿。半嶺巫雲，一江白雁，香夢幾時圓。

葉子詞

胡介

宣和遺事舊堪悲。馬弔掛彈詞。禁晚疎鐘，吏稀啼鳥，打葉候朝雞。
咸陽烽火壓城西。劍纍滿京畿。郎官署裏，遷逾夜火，猶賽順風旗。

代女郎送客

李雯

殘霞微抹帶青山。舟近小溪灣。兩岸蘆花，一天雁字，分手覺新寒。
今宵霜月照燈闌。人是暮愁難。半枕行雲。

送君歸去好夢憶江南

旅况

· 狄億

暑尖苦被客愁肩。長夜最淒清。斷魂惟有月明人靜寒。
雁叫疎櫺。便沾綠醕與誰傾。殘穗落孤檠。欹眠無那
却還驚。醒好夢也零星。

秋暮舟行

李珍

一堤疎柳。斜陽濃綠與輕黃。幾點遙山半篙漾。水歸
島兩三行。人家煙火出紅牆。村市晚相將。野寺僧鐘
孤舟漁笛。風送過橫塘。

西江月

本意

王士禎

一片西江雲月千年常照梧宮。越來溪畔酒城東。往事
淒涼如夢。轉盼五湖代長。當年三策偏工。怒潮白馬
哭英雄。穿脇猶持文種。

懷黃山東園

夢想天都黃海吾廬亦枕黃山。半天高柳水潺潺。門跨
飛梁絕澗。林下棋逢橘叟。磯頭釣共漁蠻。煙消月出
鶴飛還。人在画溪東岸。

渡江

龔鼎孳

箭打亂潮柔櫓鴉翻古渡青旗。春江玉雪鑒鬚眉。俊眼

相看似此。長劍錦驄香夢寶釵鈿瑟男兒人言無淚
灑離時不稱英雄淚耳

感述

曹溶

溪上尊鱸短棹霜餘鐃鼓層臺少年場客畫圖開擲了
龍堆雁塞名利已酬華髮文章又老青苔縱饒妹麗
解憐才繡轂雕輪安在

久客乍歸兒輩競索衣帛因賦 宋 琬

老去霜顛種種歸來繡褱重重辛盤銀燭畫堂中第一
生平好夢爭學傳柑索棗挽鬚交問衰翁空囊更比
少陵窮那有天吳紫鳳

九日

孫自式

身世飄飄落葉生涯泛泛孤舟客心未冷已成秋況是
淒涼重九 何處砧聲村曲誰家笛響樓頭十千沽酒
欲消愁不奈愁多於酒

和壁間韻

曹爾堪

白日難教東下清淮肯使西流春風吹罷又驚秋早歎
朱顏非舊 烏巷家家王謝黃初字字曹劉荒榛鬼火
北邙頭誰是諸公之後

味窗前紅葉

萬錦雯

鵲血層層染瓣猩紅點點凝芽窺香蛺蝶錯疑花遶徧

曲闌欲下。曉起最憐着。露晚來尤愛。籠霞挽將春色。
到山家。不怕西風吹謝。

有見

吳綺

小玉梳成鬕。掃善師教就。琵琶憐人春着。杏兒紗繡帶。
臨風一把紅。閣面將萱草。青牆映出梨花。鬪雞坊下。
認兒家。揀取垂楊繫馬。

小樓

沈謙

疎雨尙沾池。草輕風暗掃。庭梅小樓燈火。画簾垂簾外。
月華如水。被冷真愁擁髻枕。欹却憶。顰眉忽聞金斗。
簸殘灰。夜靜原來未睡。

落葉

計南陽

桂子香殘綠鬢凋。茱萸露冷紅綃。碧紗彈破雨瀟瀟。鳥鵲
亂啼清曉。驚起五更幽夢。送他幾點寒潮。相思吹散
廣陵橋。一夜西風古道。

喜見獅兒

陳維崧

猛獸產於絕域。驍騰來自安西。一呼百物盡披靡。何論
猓奴鷁子。我顧灰頰若此兒。應跳盪如斯神仙將相。
詎難爲萬事。取之以氣。

又

昔日游梁枚叔兒。生此地名臯。滑稽放弄解詼嘲。曼倩

同時絕倒。我意殊爲不爾。詩書莫悞兒曹。憑他上樹
日千遭。長大耘瓜撲棗。

又

兒已健如黃犢翁。何此日纔來。怒濤雪浪吼長淮。兵火
連天四載。細聽吳音小。却戲投粃救旋迴。恠娘奩畔
有于。懸笑問客家何在。

又

牽狗高辛集上呼。鷹埵澤門邊。願兒無若宋人然。莊嶽
之間不遠。六歲定歸家塾。有甥與汝齊年。西風亟趁
下江船。蝦菜東吳正賤。

秋月

陳履端

孔雀屏邊篆細鴛鴦瓦上霜輕。小樓單枕夢難成。閒數
一簾疎影。人到秋來較瘦。夢隨人去無憑。知他今夜
酒微醒。臥對涼蟾清冷。

偷聲木蘭花

紅橋卽事

鄒祗謨

綠楊城外平山路。五里香塵消煖霧。水碧迢迢溪北溪。
南出画橋。酒旗閒向春陰捲。黃鳥一雙籬外轉。堤畔
人家風細。秋千影半斜。

登郡城有感

蔣景祁

垂楊綠映炊煙繞。遠水藍拖明鏡曉。粉堞連雲。一架誰
樓天半分。十千買得蘭陵醉。歌罷碧桃花又褪。暗數
繁華。簾月梁塵燕子家。

上巳前一日齊河道中阻雪

遙空片片飛鸞鶴。野樹蕭蕭凍鳥鵲。冷落旗亭。不辨齊
州九點青。江南此日春風膩。杏靨桃腮愁上已。客裏
勞勞。銷得年光似灞橋。

燕歸梁

烏衣巷

吳綺

古巷閒來黯自傷。不待斜陽。當時人物總尋常。更休笑

燕兒忙。翩翩裘馬來何處。總非是舊兒郎。一般花草
上歡場。別自有好華堂。

荷葉盃

秋憶

湯思孝

看盡夕陽西去。無語。何處玉簫聲。秋風吹送未分明。莫
也訴離情。簾外草深蟲絮。微雨。醺破碧波天。輕絃記
得共凭欄。雲月似當年。

四和香

閨情

朱彝尊

小小春情先漏泄。愛綰同心結。喚做莫愁愁不絕。須未

是愁時節。纔學避人簾半揭。也解秋波瞥。篆縷難燒。
心字滅。且拜了初三月。